

CONSULTATIO MEDICA 6

SUPER

# MORBO SPASTICO

ADIECTA OBSERVATIONVM BIGA

DE

## MORTIBVS SVBITANEIS

EX

PECTORIS ET CORDIS VITIIS

---

DISSERTATIO INAUGVRALIS

QVAM

ANNVENTE GRATIOSO MEDICORVM ORDINE

IN

ACADEMIA GEORGIA AVGVSTA

PRO SVMMIS

IN

MEDICINA ET CHIRVRGIA

HONORIBVS CONSEQVENDIS

D. XXIII. APRIL. MDCCXCI

IN PVBLICAM CENSVRAM PROPONET


IOANNES IOACHIMVS BVRMESTER

HAMBVRGENSIS

---

GOETTINGAE

TYPIS BARMERIANIS.



AMBIT INCLYTAE

LIBERAE SACRI ROMANI IMPERII

CIVITATIS HAMBVRGENSIS

215

S E N A T V I

111

SPLENDIDISSIMO

111

V I R I S

MAGNIFICIS PERILLVSTRIBVS  
EXCELLENTISSIMIS CONSVLTISSIMIS  
SIMIS AMPLISSIMIS

PATRIAE PATRIBVS

111

FAVTOBIBVS INDVLGENTISSIMIS

BENIGNISSIMIS

HAS STVDIORVM SVORVM PRIMITIAS

OMNI QVA PAR EST REVERENTIA

CONSECRAT

TANTORVM NOMINVM

CVLTOR OBSERVANTISSIMVS

AVCTOR

## PROOEMIUM.

In animum induxeram, dum de scripto inaugurali cogitarem, de herpete commentari, argumento ob practicum momentum omni attentione digno. Verum tempus non sufficit eidem rite persequendo, quum in patriam redeundi necessitas citius vrgeret.

Ideo, me petente, communicavit mecum medicus quidam celebratus huius vr-  
bis consultationem medicam super morbo  
spastico, respondendi caussa missam, simul-



que observationum bigam de mortibus subitaneis ex pectoris et cordis vitiis, annexis cadauerum sectionibus. In his itaque vires periclitandae erant, tum ad priorem respondendo, tum posterioribus epicrisin et explicationem cum corollariis adiiciendo.

LECTORES BENEVOLOS sicut argumētis dignitatem, ita et labori aequum animum haud denegaturos esse, confido.

I.

CONSULTATIO

SVPER

MORBO SPASTICO.

CASVS MORBI.

Virgo nobilis, annorum circiter octodecim, temperamenti sanguineo phlegmatici; systematis nervosi, temperamento suo analogi; fibrae autem solidae admodum irritabilis; corporis sui staturae torosae, succulentae, fatisque robustae, cum parentibus a pueritia ruri degere, ruralique frui sanitate continuo fuit solita.

Patri suo, cui genius singularis, summa semper attentione, animoque meticuloso

trepidante morigera extitit filia, omniaque anxie adhibuit, ne in eius indignationem incideret, atque obiurgationes, quas cane ac angue peius euitare moliebatur. Cum autem certo die ex improviso a patre aliquantisper reprehenderetur, tali percellitur horrore, ut prosternatur subito, abolitis sensibus externis internisque, cum violenta et inuoluntaria musculorum agitatione, qua tandem cessante, sensum rediit sensuum usus, cum summa vero totius corporis lassitudine et defatigatione.

Ab isto itaque tempore nunc fere duobus annis praeterlapsis, male sese habere virgo incepit nostra, paroxysmi frequentia et pertinacia increuerunt adeo, ut incassis omnigenis domesticis remediis, parentes ipsa medicorum consilia hoc in casu capiendi causa, in vicinam urbem dimittere coacti fuerint, quibus ibidem collectis, omnes in eo consentire visum est, causam morbi proximam consistere in composita  
ratione



ratione plethoræ verae, solidorumque nimiae irritabilitatis, hasque ob indicationes, morbi curationem esse incipiendam a larga venaesectione, eamque pro re nata repetendam: postea vero medicamenta adhibenda sic dicta diminutiva, antiphlogistica, laxantia, diluentia, resolventia, iisque continuandum, donec sanguinis quantitas satis diminuta, eiusque crasis inflammatoria, (quae aderat), penitus fuerit correctæ, quibus impetratis denuo esse procedendum ad medicamenta roborantia, nervina autispasmodica, quibus solidorum robur restituatur, eademque a nimia irritabilitate praemuniantur.

Haecce curatoria methodus a medico ordinario omni studio sedulaque circumspeditione, medicamentis a materia medica eum in finem indicatis, diu satis fuit adhibita, eo etiam cum successu, ut tandem per menses aliquot penitus siluerit morbus, donec iterum, obortis grauibz animi pathematibus, erroribusque in diaeta commissis

sis, pristinam fere morbus induerit faciem, paroxysmorumque numerus ac saeuities priorem acquisiuerit statum.

Notandum insuper, nec haereditariam existere dispositionem, nec ullam vermium suspicionem, morbumque nullam obseruare periodum regularem. Spuma oris, digitorumque in manus contractio, epilepticis durante paroxysmo familiare adeo phaenomenon, nostro in morbo pariter abest. Menstruatio regularis, omnesque functiones animales, vitales et naturales, apprimè secundum naturae leges exercentur.

Quaeritur nunc, quo nomine hic morbus sit designandus? quatenam eius causa? curatio? prognosis? et diaeta? quid habendum sit de nuptiis remedio?

---

## RESPONSIO.

Ad graues omnino et intricatos morbos, qui saepe bona quaeuis medicorum consilia frustrantur, iste pertinet, cuius historiam

riam singulari accuratione dedit medicus interrogans.

Enodabo subnexas quaestiones ea animi contentione, quam rei grauitas monet. Est vero prima.

*I. Quo nomine iste morbus sit designandus.*

Ad neruosos conuulsivos referendus est, et a comitiali vix et ne vix quidem distat. Huius nempe signa characteristica, nimirum sensuum cum internorum tum externorum abolitio, vti et muscutorum violenta et involuntaria agitatio, cum corporis prostratione clare leguntur in relatione morbi. Quae vero deficiunt phaenomena, os nempe spumescens, ac digiti in manus contracti, quamvis alias fueta in ipso insultu epileptico, minus tamen essentialia existunt. Ita nempe alia etiam et varia citra haec scenam epilepsiae, satis iamiam per se horrendam, ingrauescere interdum solent, quae ad characterem proprie non pertinent, sed vim potius et gradum significant. Alii alte subsi-



liunt iacentes, alii proni aut supini torquentur aliique rigent. Hi clamore horrido percellunt adstantes, hi lotii aluique secessu foedantur, hi geniturae iacturam faciunt. Sic porro post insultum mente alienantur varii, aut furiosi fere vires enormes edunt, imo sibi aliisque vim violentam inferunt. Talem scenam ludere visi sunt saepius epileptici per plures post insultum dies, ita fere, ut videre putes, quos a daemonibus obsessos pia antiquitas credebatur. Lugenda est praeterea ista totius corporis habitusque lassitudo et languor, mentisque ac ingenii vacillatio et stupor, quibus grauior aut increbescens morbus interstitia sua implere solet. — Multiplex est morbi facies, sed species eadem.

Ex defectu itaque istorum ac huiusmodi symptomatum in virgine nobili, mitiorem quendam gradum morbi concludo, simulque ex his aliisque mox determinandis spem salutis affulgere video. Est vero morbus hoc in casu *sympathicus*, oriundus quippe



quippe ab irritatione systematis nervosi, delicatuli, quam terror effecit primum, et sopitam, graua deinde pathemata denuo re-  
vocarunt.

## II. *Cauſſa.*

*Praedisponentem* inuenio in aucta ſenſibilitate et irritabilitate corporis ſuccipleni; *occaſionalem* vero ſiue proximam, quousque nempe ducit ipſa relatio morbi, in terrore iſto, cuius quidem gradum et effectum iſte praeciſe auxit fibrarum character. Idem fecit hicce character, dum a nouis animi pathematibus poſtea reſuſcitaretur morbus. Extant ſatis multa exempla epilepſiae, quam graues, iique vel ex inopinato irruentes, vel acriter aut diu rodentes affectus excitaverunt. Quae iam de cauſſis protuli, ſupponunt omnino, nullam aſſeſſe haereditariam diſpoſitionem, neque vermium vllam ſuſpicionem, neque menſtruationem turbatam; ita quidem prout hos fontes ipſa relatio negat.

Super-

Superfunt tamen, quorum indagationem res feria inonēt, vtrum nempe aliquid concurrat forsan ab exanthemate retropulso, aut vlcere consolidato, aut amore frustrato, vel clandestina forsan praeter naturam litatione. Potissimum vero vix supprimere possum suspicionem subtilioris rheumatici aut arthritici irritamenti, cuius nempe frequentem in his morbis effectum obseruatio docet.

### III. *Ad curationem*

duae emergunt indicationes, si nempe ad filum relationis pro causis agnoscantur fibra nimis irritabilis ac sensilis, simulque irritatio ab animi pathematibus facta, Prior est, reuocare ad rectum legibusque naturae accommodatum gradum istum morbosum solidorum characterem; altera delere et fugare, quantum fieri potest inimicos quosuis animi affectus.

*Priorem*, quae medici officium propius concernit, persecuti sunt medici convocati.

His

His quidem visa est haec indicatio  
 poscere venaesectiones largas et repetitas;  
 posteaque alia medicamenta sic dicta dimi-  
 nutiua, antiphlogistica, laxantia, diluentia,  
 resoluentia, iisque continuandum esse, do-  
 nec sanguinis quantitas satis diminuta, eius-  
 que crasis inflammatoria, (quam adfuisse  
 testantur), penitus fuerit correctâ; postea  
 vero roborantibus neruinis et antispasmodi-  
 cis robur restituendum esse.

Venaesectio in statu vere plethorico,  
 quo primum morbi stadium notant medici,  
 laudes merebatur quidem, nunc vero ne-  
 que instituenda neque repetenda est, nisi  
 pulsus plenus et durus percipiatur, vel ex  
 aliis signis humorum abundantia tuto satis  
 cognoscatur, aut insultuum vehementia vr-  
 geat, nec vires tamen nimium sub inter-  
 missionibus langueant. Pari tantum in casu,  
 magis tamen si impura colluies abdomina-  
 lis aut viscidum et infarctum delitescat, re-  
 media ista diluentia, resoluentia et laxantia  
 con-



conuenient; fin vero aliter res erit, nocebunt. Etenim ea omnia et singula remedia et auxilia, quae debitum corporis robur infringunt, ista pariter, si perperam administrentur; irritabilitatem et sensibilitatem morbosam, sicque morbi causam augent.

Posito verum istiusmodi abdominali vitio, optima profecto quaeuis efficient digestiua ex salium mediorum familia, vti et tartarus emeticus suspensa manu exhibitus, interpositis laxantibus aut emeticis, habita nempe ratione, quorsum vergant sordes. Vires quas insuper exferunt emetica recte propinata, citra ipsam scilicet expulsionem crudioris fomitis, diapnoicae, antispasmodicae et concutientes, auxilium promittunt.

Vti itaque positis ponendis recte administrarunt medici laudati methodum antigastricam, ita etiam nunc, posita eadem conditione, iterum repetenda est eadem via. His vero remediis aliquantisper pro re nata, haud tamen tenaciter continuatis, aut,  
fi



si methodus antigastrica non vrgeat, protinus, procedendum est ad remedia neruina, antispasmodica et roborantia. Haec quidem multifaria sunt, quarum pars melius, alia minus respondet cuius individuali conditioni. Attamen ad hunc praecise casum praeter caeteris pertinent, Valeriana, decoctum saturatum foliorum viridum aurantiorum, quale ANT. DE HAEN et LOCHER commendant, aut oleum animale Dippelii, aut elixir acidum Halleri; porro, flores Zinci, vel quod his praestare videtur, magisterium Zinci, neque minus antimonium crudum et dulcamara.

Balnea tepida, in progressu vero frigidiuscula, toto corpori per horae quadrantem aut dimidiam, semel vel bis in die aut alternis diebus applicata, summopere laudanda sunt. Protinus post egressum administretur lenis frictio, ac cubet aegra per horulam in lecto, ut lenis diaphoresis sequatur. Ista balnea praecipue tepida, sicut

et

et varia ex modo enumeratis remediis spem simul faciunt incidendi et educendi subtilioris irritamenti materialis, cuiuscunque sit generis, quod ipsos nervos vellicat. Ita etiam ad hunc finem proficui sunt fonticuli, aliaue ulcera artificialia.

Hancce methodum circumspecte et pro vario morbi statu varie administratam, saepe feliciter eradicare similes morbos, testis est observatio; nisi nimis altas iamiam egerint radices. Etenim post multos demum annos habitus insanabilis euadit.

In rebelli vero pertinacia propinanda sunt omnino et tuto quidem, opiata, sed caute tamen et suspensa manu. Ista tunc praeprimis omnem lapidem mouebunt, in auertendo paroxysmo, quando exhibeantur ante imminensem paroxysmum, quem saepe scilicet praecursores satis mature nunciant. Ratio autem habeatur virium, sicut etiam materialis causae, in primis aut secundis viis haerentis.

Clys.

Clysinata pariter proficua sunt ex decocto florum chamomillae, adiecto opio aut asa foetida aut castoreo, potissimum si alius excitanda sit, aut spasica stricture relaxanda, aut congestio ex superioribus derivanda; in genere autem si signa quaedam nouum insultum longiori paullo interuallo praecurrant.

### *Altera indicatio*

de vitandis quibusuis inimicis affectibus, iubet distrahere animum aegrae, ad lactiora quaeuis deflectere, amica conuersatione, ludis laboribusque illum exhilarantibus occupare. Etenim aduersae et obscurae quaeuis vel de ipso morbo eiusque euentu cogitationes, corporis animique validae contentiones, affectus, terror praeprimis, ira et tristitia plus destruunt, quam vlla ars restituere valet,



IV. *Prognosis*

ex caussa morbi, et ex numero, duratione et vehementia paroxysmorum, vti ex gradu valetudinis in interstitiis insultuum deducenda est. In haereditario morbo spes fere nulla foret, in hoc vero sympathico spes affulget. Scilicet emendari potest, vt vt saepius contingit, morbosa ista sensibilitas et irritabilitas; videtur pariter irritamentum, si quid adsit materiale, artis auxilia haud superare; neque minus animi curam ipsi familiares habere possunt; denique habitum infelicem nondum induit morbus.

Praeterea vero bona signa, quae citiorem reconvalescentiam promittunt, colligantur, si praecursores paroxysmorum sentiuntur, hique ab extremitatibus, instar afflati frigidi aeris, incipiunt; si caput non laeditur grauitur; si mitescunt aut rariores euadunt insultus; si breui post redit aliqua mentis serenitas et corporis vigor, et sic porro; mala e contrario. Citra haec bonis



nis auguriis adnumeretur, si forsan in progressu medelae exanthema efflorescat, aut arthriticus dolor, aut abscessus, aut febris intermittens oboriatur, quibus quippe subsidiis ipsa natura curam morbi suscipit interdum.

### V. *Diaeta.*

Ex alimentis conueniunt, quae facile concoquuntur, neque nimis parce, neque abundanter nutriunt. Regnum vegetabile meliora suppeditat. Carnibus modice vescatur aegra et reiicienda sunt praecipue pingues, salitae ac fumo induratae. Exulent quaeuis irritantia et calefacientia cum in cibo tum in potu, aromata itaque, coëfsea, chocolata, cereuisia generosior, thea etiam ob relaxationem. Vinum pariter vitandum est, nisi quod in statu summae lassitudinis haustulus propinetur.

Denique

### VI. *Matrimonium*

spem quidem facit recuperandae sanitatis,

sed auscultandum est antea, quid iuuet methodus medica. Observatio hoc respectu varia et dubia est. Sanauit has, nocuit illis. Spes interim ex hoc remedio maior erit, si forsan amoris desiderium eluceat, ita ut mens ipsa, inique hucusque affecta, nullo alio subsidio ad laetiora, deflecti queat.

*A d n e x a.*

Absoluta nunc responsione ad propositas a medico quaestiones, silentio praeterire non possum annotationem ex litteris priuatis, quibus familiaris quidam casum morbi comitabatur. A se nempe et reliquis familiaribus notatum esse per anni decursum, aegram bis quouis mense correptam esse insultu, idque in primo semper et ultimo lunae quadrante. Matrem ideo praenovisse semper nouum insultum. Hoc respectu itaque restringendam esse medici referentis narrationem, *morbum nempe nullam observasse periodum regularem.*

Puduit

Puduit forſan egregium medicum, in ſententiam abire de influxu lunae in corpus humanum, vel etiam ita diſplicuit haec doctrina, vt attentionem periodorum neglexerit. Etenim pertinet iſta ad haereſes litterarias, quarum aſſeclam ſeſe facile profitetur nemo. Pertinet apud multos quaſi inter aſtrologica commenta, aut iſta ſaltem redolere videtur, quibus ſcilicet expurgatum demum eſſe ſaeculum noſtrum gaudemus.

Interim haec tota doctrina reducenda eſt ad ſolam experientiam, quum nudum ratiocinium hic efficiat fere nihil. Illud vnicum tantum ratiocinium valere aliquid videtur tamen, lunam nempe, quae maris fluxum atque refluxum certo certius efficit, vires pariter habere poſſe vt in reliquam terrae ſuperficiem eiusque atmofphaeram ac tempeſtatis mutationes, ita etiam in ea quae ex terra creſcunt, et in animantia, quae eadem ſtriſtiſſimo vinculo nexa ſunt.

Audiat modo, qui dubitet, audiat inter alia testimonia, quae de imperio lunae in tempestatum mutationes indefesso studio ex propria et commodata fida obseruatione 50 annorum collegit Cel. TOALDO in diff. praemio ornata a soc. litt. Monspeliens. germanice versa, *Witterungslehre für den Feldbau*.

Verum ex partibus medicorum lunae respondentes morbos, et praecise quidem epilepsiae invasiones firmare studuit Cel. RICH. MEAD in tractatu *de imperio solis ac lunae*. Circa nouilunium et plenilunium praedicere potuit insultus. Imo in puella quotidie fere epileptica, notauit pater, dum epilepticus clamor filiae noctu illum expergisceretur, in vicino fluuio Thamesi maris semper refluxum. ARCHIBALD PITCAIRN nouit plures epilepticas feminas, quae ad normam mutationum lunae insultibus tentatae sunt; duasque puellas quas pari lege chorea Viti vexabat. Th. BARTHOLINVS

men-



mentionem iniicit puellae epilepticae maculis nonnullis in facie notatae, quorum ambitus et color lunae phasibus respondebant. Sic etiam GALENI placitum est, *regit luna in epilepticiis periodos*. De dieb. crit. Lib. III, et consummati VAN SWIETEN, epilepsiam chronicam circa magnas lunae mutationes, aut circa nouilunium et plenilunium insultus facere solitam esse. *Comment. T. III. p. 400 edit. Bat.* In Bibliis sacris epileptici nominantur lunatici. *Matt. 4, v. 24. 17, v. 15.* quorum morbum veram epilepsiam fuisse elucet *Marc. 9, v. 18. Luc. 9, v. 39.*

Citra epilepsiam vero in variis aliis morbis lunae influxum notauerunt medici, inter quos nomina celeberrima. E. g. in verminosis pathematibus ROSENSTEIN; in febribus intermittentibus WERLHOF; in curastrumarum DE HAEN; in hydrope varii. In quibusdam praeterea et singularibus morbis testes sunt fide digni. Ita obseruauit

GVILL. MUSGRAVE in *phil. Transact.* 277. viri cuiusdam exemplum qui a pueritia usque ad annum vigesimum quartum hæmorrhagiam ex sinistro pollice passus est, idque in quouis plenilunio, in prima ætate ad vncias quatuor, post annum vero decimum sextum, ad libram dimidiam. BAGLIVIVS notavit inueneim fistula stercoracea afflictum, ex qua copia effluentium cum luna crescebat et decrescebat. TVLPIO innotuit vrinae suppressio quavis fere plenilunio. MEAD iterum calculosos affectus, circa plenilunium redire vidit.

Noui præter hos medicum huius vrbs, præiudicio non occupatum, qui in epilepsia, vermibus, hydrope, calculosis affectibus aliisque luculentum a longo iamiam tempore observavit lunæ imperium. Vberius hocce argumentum pertractavit idem medicus in *Hannöv. Magaz. ann. 1781 foll. 8 et 9.*

Caeterum mihi notum est, quod in contrarium proferunt multi, specie et certo pondere non destitutum argumentum; scilicet - saepenumero in his aliisque pathematibus non observari lunae influxum, imo contrarium in his notatum esse haud infrequenter. Aut etiam horum morborum inuasiones pluribus diebus ita vacillare ante aut post lunae mutationes, ut his adscribere velle, summe dubium euadat.

Verum velint ponderare, qui contrarium tuentur, numerosissimam esse causam intra et extra corpus aegrotantis cohortem, quae lunae influxum aut tollere aut imminuere valent. Nonne enim superior erit saepius in morbo, causae materialis praedominans efficacia, aut animi affectus potentia, aut errorum in diaeta vis nocens, aut corporis indoles, aut denique quaevis alia causa nocens, accidentalis?

Interim libera cuius esto opinio. Atamen negare quemvis lunae in nostrum

corpus influxum, idque sine habita forsan  
 obseruatione; illum potius ad praeiudicia,  
 figmenta et superstitionem reducere velle,  
 nefas esse videtur omnino. Auscultet antea,  
 qui negare aut affirmare velit, naturae  
 vocem.

---

## II.

### OBSERVATIONES DVAE

DE

### MORTIBVS SVBITANEIS

EX

### PECTORIS ET CORDIS VITIIS.

---

Vir generosus, aetate vltra quinquage-  
 simum, ante annum circiter peripneumo-  
 niam passus erat. Ex ea nondum satis re-  
 conualescens, iter suscepit hyberno tem-  
 pore, satis frigido et austero. Sensit ille  
 ab isto tempore, per octo aut nouem men-  
 ses,



ses, scilicet ad nouum vsque morbum existialem, dolorem pressorium dextri lateris cum asthmatica interdum oppressione. Egit interim sua officia, inter quae sub dio saepius austeram et pluuiosam tempestate usus est. Nunc vero incidit decimo circiter a primo morbo mense, in catarrhalem indispositionem, qua in dies aucta, febreque, haud tamen vehementi, associata, ita pectore oppressus est paucis diebus, ut spiritum subinde vix trahere possit. Pulsus, quod suetae obseruationi in peripneumonica valetudine aduersatur, neque durus plenus aut inflammatorius erat, sed mollis et debilis. Expectoratio nulla erat, neque tussis vexabat nimium. Cum interim in pectoris morbis pulsum aliqua vacuitas et debilitas non semper venae sectionem contraindiceret, quoniam subinde copia collecti in pulmonibus sanguinis in extremis inopiam quandam inducat; simulque in hoc aegro, vel ex anteaffecto morbo ac dein continuo pectoris dolore, occultum ibidem vitium, et nunc praecise

praecise, subito nempe nouo pectoris pathemate, eius exacerbationem suspicari fas erat, sanguinisque a pectore deriuandi ratio vrgebat, vena secta est. Sed parce prodiit sanguis lentus. Caeterum etiam ea adminicula administrata sunt, quae congestionem a pectore abigere, febrem moderare, expectorationem promouere, aluumque laxare valebant. Sed quinto die vespere lectum petens, quo hucusque non semper usus erat, mox sensit tale oppressionis in pectore incrementum, vt hora prima post mediam noctem surgere coactus fuerit. Decubuit nunc in ipso folio cubiculi, sella inuersa instar puluinaris vtens, famulumque inuitum dimisit. Sed ecce, hora tertia reuertens famulus mortuum inuenit egregium virum. Medici, protinus accessiti, tentarunt quidquid ars iubet ad reuocandam vitam, sed incassum.

Elapso

Elapso altero die sectio defuncti iustituta est, testibus cum officialibus tum rogatis.

Suetae maculae cadauerum liuidae conspicuae erant, incisisque pectoris et abdominis integumentis pinguedo apparebat in abdomine vnum et dimidium pollicem crassa, paullulum tenuior in pectore. Vix vero transmissa symphyssi cartilaginum cum costis, vi prodiit ex pectoris cauo dextro liuidae aquae copia, ac sublato nunc sternum, hocce cauum multa aqua vndique repletum apparuit ad libras fere quatuor. Variis locis dexter pulmo pleurae accretus erat. Verum sinister tota superficie firmissime adhaerebat externo thoraci, vt remoueri ab ipso vix potuerit. Quare in hoc cauo nullus aquae locus. Pericardium vero iusto maiori copia sui fluidi distentum. Cor ipsum, flaccidum fere et molle, dupla ratione suetum volumen superabat, pari ratione auricula vtraque, harumque dextra,

vti

vti et ventriculus dexter copiosissimo sanguine repleti. Sed omnes parietes cordis tenues ac debiles erant, citra naturae leges, ita vt in praemagno corde capacissimae essent cauitates omnes. (Huic similis obseruatio legitur in BONETI *sepulchreto* T. I. p. 527). Ventriculus ac sinus sinister sanguinem fere habebant nullum. Verum in dextro ventriculo apparuit polyposum concrementum, planum, vnum et dimidium pollicem latum, ac pollicis quadrantem crassum.

Integra vero pectoris cauitas in relatione magni corporis sat angusta erat, quum diaphragma ad quartam usque costam ascende-  
bat.

Abdominis cauo aperto, hepar visum est, quamuis sanum, iusto tamen maius, vesica fellea autem nimis parua. Omentum, parca pinguedine refertum, paruum, ventriculus modo, colon et superiores intestino-  
rum



rum gyros tegebat, nuda atque aperta maxima inferiore parte. Caeterum superiora abdominis viscera pari ratione altius sita erant, qua ipsum diaphragma.

*E p i c r i s i s.*

Mortis subitaneae causam, quae scilicet morbi ultimi effectum longe profecto superabat, ita deducendam esse censeo. Prior morbus peripneumonicus quem ante decem circiter menses perpeffus erat defunctus, vitia pectori intulit, concretionem scilicet pulmonis, sinistri praecipue, cum pleura, nec non initia hydropis pectoris. Iter deinde nimis mature, austera tempestate susceptum, auxit, suppressa simul forsan expectoratione, pectoris vitium, angustiam et hydropem. Haec conditio, nunc grauia impedimenta iecit sanguinis per pulmones circulo. Sed accedit insuper cordis ipsius vitium, quod nempe, quo maius eo debilius erat, aegre omnino sufficiens moli sanguinis, quam recipiebat,

cupiebat, per pulmones, aut accretos, aut aqua ambiente oppressos, premendae. Tandem ad vltima acta erant omnia, dum epidemica tunc temporis catarrhalis valetudo respirationem nouiter opprimebat. Nunc scilicet tantis impedimentis insufficiente cordis virtute exigua, simulque polyposo isto concremento sanguinis transitui forsan mechanice opposito, stetit cor et circulatio, aucto nempe obstaculo, auctoque virium lapsu.

---

## III.

Vir iuuenis vigesimum sextum annum agens, fatis robustus et vegetus, sed ab-usum spirituosorum sibi indulgens, in peripneumoniam incidit. Symptomata sueta erant, lateris dolor, tussis, febris remittens, cephalalgia, artuumque lassitudo; praeter solitam morbi naturam nullum. Tertio die curru vectus est in nostram urbem, stragulis decumbens ac bene tectus, quo melius curatio administrari possit. Quarto die, hora septima vespertina, praeuia anxia inquietudine in epilepticum insultum incidit, clamans enormiter, spumescens, cum involuntaria simul artuum agitatione sensuumque abolitione. Medicus et chirurgus accersiti protinus, inuenerunt illum, dum loquela rediret, mente vacillantem, sed dimidia vix hora elapsa, eiusdem iterum compotem. Querebatur nihil nisi leuem fatis dolorem pressorium lateris sinistri. Pulsus paruus iam erat, paullulum spasticus,

fatis tamen tranquillus. Huiusmodi motibus quondam tentatum iamiam fuisse testabatur, ideoque non adeo mirum videri potuisset, hos redire febre suborta, in potatore praecipue. Verumtamen attentionem excitavit, mouitque suspicionem insolitae ac ominosae conditionis. Etenim neque febris hucusque vrgebat nimium, neque biliosum irritamentum excedens apparuit, neque hoc respectu aliud quidpiam, quod ad peripneumoniae indolem pertinet. Quare alias accessorias causas suspicari fas erat. Interim hoc temporis momento vix aliud peragendum erat, nisi spasticam conditionem relaxare, sicque novis insultibus obuiam ire; neque minus applicata in extremis irritatione, vim nocentem, quantum fieri possit, ab internis repagulis ad externa euocare; interea vero auscultare morbum, ut ex phaenomenis ulterius pateat uti causae indoles ita medendi ratio. Itaque moscho prospectum est spasmis, ac furis applicata sunt protinus vesicatoria lata. Sub initium morbi secta iamiam erat vena, et

nunc



nunc quidem si iterum secare voluisses, strictis vasīs et argentibus extremis vix prodiiisset sanguinis copia. Eo pariter tempore emesis excitata fuit ad indicationem, cui iterum in hoc discrimine locus non erat; prout neque balneo tepido.

Sed ecce, antequam ulteriori auscultationi copia, aliisque adminiculis tempus et ratio dabatur, rediit hora nona nouus, priori similis, quamuis mitior, spasticus, insultus, editoque clamore actisque profundis suspiriis expirauit aeger. Latus corporis sinistrum multis et latis statim maculis rubicundo coeruleis notatum apparuit. Facta sunt, ut debet, absque temporis dispendio, quaeuis ad vitam reuocandam pericula, sed frustra. Custodia nunc data, lecto calido relictus est expiratus.

Sectio cadaueris altero post mortem die instituta sequentia edocuit. Pulmonem utrumque firmissime adhaerentem thoraci, ut absque dilaceratione separari non potu-

erit, ponderosum; sinistrum profundiore colore nigricantem; utrumque vero intus atro et spuinescente cruore repletissimum. Simul apparuit in sinistro versus spinam dorsi vomica, ad nucis iuglandis magnitudinem, haud tamen aperta, praeterea in eadem pectoris cauitate sex circiter unciae effusae aquae, huiusque pulmonis hydatides varii.

In sinu cordis dextro in conspectum prodiit polyposum concrementum planum et rotundum, ad ambitum duplicis floreni, crassum quadrantem pollicem, satis in substantia tenax, filamentosum ac membranaceum. Obtegebat praecile introitum in ventricululum dextrum.

Abdominis viscera sana atque illaesa videbantur.

### *E p i c r i s i s.*

Multa ex hac sectione colligenda sunt ad explicationem mortis insolitae ac subitaneae. *Primo* quidem, status inflammatorius

torius et peripneumonicus pulmonum, quorum vterque atro sanguine repletissimus erat; *secundo* aquae collectio in sinistro thorace; *tertio*, vniuersalis fere et firmissima concretio pulmorum cum pleura; *quarto*, vomica et hydatides. Haec omnia effecerunt, vt sanguinis per pulmones transitus ad summum impediretur.

Etenim pulmo vndique adglutinatorum impendebat, quo minus satis libere expandi et comprimi potuisset, adeo laedebatur respiratio simulque sanguinis transitus. Ista vero adglutinatio deriuanda est vel ex pectoris morbo olim perpeffo, vel vitae ratione dissoluta, ac spiritus frumenti abusu. Vomica, quae caeterum ortum habuit ex simili causa, auxit omnino vti et hydatides peripneumoniam; et aqua insuper pressit pulmones. Tandem sub accessu ipsius novae febris peripneumonicae, pulmones, satis iamiam vitati, ad summum usque infarcti et oppressi euaserunt, vt sanguinis per

C 3

eosdem



eosdem transitus, quidquid moliretur natura auxiliatrix, stare debuerit.

Iam vero videtur natura, ad ultimum usque vitae discrimen redacta, hos ipsos motus epilepticos, quibus copia profecto erat in potatore, auxiliandi scopo excitasse. Ita enim ultimos collegit vires, ut, vehementissimo facto ad pulmones impulsu, infarctus solueret, et impedimenta vinceret. Paria tentamina erant clamores et suspiria. Verum, inuicto obstaculo haec praecise auxilia frustranea fatum accelerarunt. Aucta nempe de nouo cruoris accumulatione et infarctu, nullo praeterea naturae auxilio superstiti, fractisque ex enormi tentamine viribus, succubuit natura; stetit itaque in pulmonibus circulatio, et ferrea moriendi necessitas irruit protinus.

His insuper addidisse omnino videtur aliquid concretio ista polyposa, in sinu cordis dextro reperta, quae praecise introitum in ventriculum pulmonalem obtegebat.



bat. Posset quidem obiici, hanc nihil contulisse ideo, quoniam hicce ventriculus vti et pulmones sanguine repletissimi contrarium doceant; scilicet, transitum sanguinis ex sinu dextro in ventriculum dextrum haud fuisse impeditum.

Verum solui posse videtur ista difficultas ita; nempe in vltimis demum epilepticiis motibus, aucta in internis circulatione et accumulatione, auctaque cordis actione, impactum esse concrementum illud in introitum ventriculi. Nunc vero adaucta sub epilepticis motibus vti in pectore ita et in encephalo sanguinis copia, et impedito eius ex capite refluxu, continuata tamen arteriosi sanguinis propulsione, apoplexiam tandem superuenisse.

Aliud dubium superest: annon forsitan post mortem demum concrementum illud in sanguine coagulatum et formatum fuerit. Fateor me ipsum hanc sententiam sequi malle, nisi indoles eius filamentosa et mem-

---

branacea et tenacitas, obstarent. Etenim quum in quouis fere demortuo ventriculus sinister vacuus ac dexter repletus inueniatur, potest omnino in hac sanguinis stagnantis copia, potissimum vero post morbum inflammatorium, serum coagulari. Docent praeterea numerosae observationes, quarum plures repeti possunt ex BONETI *sepulchreto*, frequentissimos polypos cordis, aut hos pseudopylopos, in dextra cordis parte praecipue in asthmaticis aut peripneumonicis repertos esse. *Tom. I. pag. 528. 562. 563. 591.* et alibi. Idem praecise docet haec vtraque in hoc scripto proposita observatio.

Facilis itaque est omnino fallacia polyporum, praeprimis in dextra cordis parte, eorumque tantummodo fabrica et indoles veram naturam polyposam docere potest.

---

---

## COROLLARIA QVAEDAM.

---

### I.

*Nemo quidem dubitat, quantam utilitatem habeant cadauerum sectiones ad praxin medicam. Interim magis urget sectio in morbis insolitis, aut si quis in solito morbo, praeter ipsam morbi naturam sub insuetis symptomatibus vel subito extinguatur. In eiusmodi casibus semper fere luculenter reuelatur mortis ratio, ex quibus saepius lux accenditur, nisi pro universa oeconomia animali, tamen pro simili casu.*

## II.

*In his, qui vel sub pectoris chronica valetudine, vel in peripneumoniae aut pleuritidis primis statim diebus, antequam solitum decursum absoluerint, subito et sub insuetis phaenomenis moriuntur, in his aut pulmonum aut cordis ominosam ac insolitam conditionem suspicari fas est: scilicet vel vomicam ruptam, intusque effusam; vel cor praemagnum; vel poly-pum in corde dextro; vel arterias eiusdem osseas; vel pulmones undique adglutinatos summeque infarctos, et sic porro. In his itaque, si fieri potest, instituatursectio.*



## III.

Quicumque vero citra pectoris anteaactam va-  
 letudinem inopinato extinguuntur, fri-  
 gentibus antea extremis, pulsusque vacuo  
 pallidoque colore, edito praecipue in ulti-  
 mo articulo clamore, in his suspicanda  
 est haemorrhagia interna; scilicet vel ex  
 rupto aneurysmate; vel corde rupto; vel  
 corde ulcere eroso, cuius exempla VAN  
 SWIETEN allegat in serenissima coniuge  
 ducis Brunsvicensis, et in nobili quodam  
 viro, subito extincto. Comment. T. II.  
 pag. 271. In his iterum sola lux re-  
 petenda erit ex sectione.

## IV.

Denique famae suae cura iniungit medico,  
 ut in omnibus mortibus subitaneis, quae  
 citra morbi naturam accidunt, sectionem

aut

aut suadeat aut instituat; ut nempe ex  
demonstrata praeternaturali mortis causa,  
quamlibet suspicionem grauioris in medela  
erroris a se deuoluat. Quem in finem  
curet simul, ut cognati aut familiares,  
simulque testis peritus, unus alterue,  
candidus et equus, sectioni adstent.

---

## THESES MEDICAE.

- I. Ignominiam apud foeminas honoratiores in-  
nuptas fere vnicam agnosco infanticidii  
causam.
- II. Purgatio primarum viarum, si sordes praesto  
sint, praecipuum medici officium in princi-  
pio cuiuscunque fere morbi est.
- III. Quod epilepsia infantes et sexum foemi-  
neum saepius quam reliquos afficiat, huius  
caussa in istorum maiori sensibilitate et irri-  
tabilitate latet.
- IV. Vermes intestinorum et sanitas perfecta  
vna consistere in corpore humano nequeunt.
- V. Optima herpetum diuisio est illa, secundum  
causam materialem.
- VI. Si herpetem phlyctaeosum excipiam, vix  
alia herpetum species contagiosa est.
- VII. A matre prolem lactari salubrius est,  
quam a nutrice.
- VIII. Depressio cataractae extractioni, paucis-  
simis casibus exceptis, longe est postpo-  
nenda.

IX. Nullum diferimen inter arthritidem et rheumatifinum.

X. Vermium feminia nobis congenita funt.

XI. Cauffa phrenitidis latet in praecordiis.

XII. Studio medico initiandus qui animum af-  
fert, fpernentem linguas eruditas, lectionem  
veterum, theoreticas difciplinas, vel ofci-  
tantius easdem tractantem, et fuo inge-  
nio et eruditione fenfibus parabili conten-  
tum: eheu ifte agyrtarum et iatroalipta-  
rum potius quam medicorum numerum au-  
gebit, nec vnquam nifi proprio fuo iudi-  
cio adfpirare ad magni medici nomen pot-  
eft. Superbire vero fuia ignorantia, aeque  
impudens eft et infanum, quam fcientia  
quaui vacuum gloriari de doctrina prae-  
clara velle.



